

雪

竇

四

集

瀑泉集

祖英集

二

二

卷之四

七

四部叢刊續編

雪竇四集

(81366)

中華民國二十三年十月初版

本書實價國幣壹元叁角

外埠酌加運費匯費

發行人

王雲

上海河南路

五

印刷所

上海商務印書館

河南路

館

發行所

上海商務印書館

及各埠

館

雪竇和尚明覺大師瀑泉集并序

叅學小師

圓應

述

師自兩處道場多應機語句門人集之離三已行於
世斯所紀者乃垂帶自荅及古今因緣朝暮提唱辭
意曠嶮而學黨未喻復致之請益師蓋不獲已隨所
疑問以此以彼乍放乍收或抑或揚或代或別近百
五十則實一時之能事也況圓應忝預參承寧忘摅
拾然多聞未益誠有愧於宗師必記諸善言諒無譏
於弟子可命曰瀑泉集意以飛流無盡爲義凡知我
者幸同味焉時天聖八年八月十五日序

明州軍州官請住雪竇疏

朝奉矣尚書刑部郎充集賢修撰嗣軍兼中殿勸農事柱國襲金縷會集
含萬法之謂心達一心之謂祖迦葉契西乾之印曹
溪傳東震之衣順能所以應機緣混聲塵而開覺路
示爲圓頓直趣真如果有奇人來昌大教伏以長老
雲松挺操霜月流輝一筇高出於蜀川四句今宣於
吳苑得於匪得雖杜口於智門修至無修實歸心於
海衆今以句章古跡資聖淨方怪石靈松交相於戶
牖瀑泉藍岫供望於庭除富有學徒獨虛猊座伏希
輟翠峯之祖席登雪竇之道場雷震一音不滯斷常
之見雲趨三請咸超色相之機所冀佛日重光皇家
益固玉燭調而四時式序金輪御而萬國咸寧用罄

歸依無勞謙執謹疏

蘇州在城檀越請住翠峯疏

粵以照乘神珠豈有心而鑑物達空上士曾無念以
度生其如體具圓明致五色不能隱情存悲智故十
界不能遺是謂妙應無方真慈廣被者也恭惟和尚
靈源本濬道價非沽虎策親持遍入祖師之室龍孟
高掌常游居士之門自此祇欲韜光深思遠世其柰
因緣四備道德兼充隨方而民物依歸觸處而學人
圍繞在衆何殊於出世乘時豈吝於提綱伏望和尚
深別武林遐之笠澤慧理息肩之地暫罷呼援支公
嘉遯之鄉堪追養駿遭累聖重光之主值休牛歸馬

之朝誠宜乎大闡一音俯從三請塞輿人之願望鎮
先德之叢林上祝皇王旁資黎庶前所謂妙應之說
眞慈之門良在此時無賜勞讓幸甚謹疏

蘇州僧正并諸名負疏

竊以柯亭發籟匪知音而孰采希聲陶壁飛梭承奮
豫而方同聖化物理尚由於時遇人情豈背於緣求
長老和尚祖席爲珍師門作範雄經鉅論傳心者鮮
克精明麗句清辭出世者少如兼濟繇是歷漢水而
德風早偃鑽仰有年入吳邦而名翼愈飛遭逢此日
遂得群心啓顙咸願摳衣翠峯禪院檀越福場宗師
法席漪漣四繞何殊灝灝之寬橘柚千株可奪江陵

之美粗稱來儀知識繼踵住持雅膺聖主承祧賢侯
出鎮宜踞法空之座特開心地之門祝萬壽於時君
資百祿於朝宰旣臻海衆希振雷音謹疏

上堂汝等諸人盡是久經陣敵慣戰作家倚天長劍
即不問你作麼生是袖裏藏鋒 代云寡不敵衆
又云彼此

上堂寡不敵衆什麼人分上事 代云揔由和尚

又云彼此 又云龍蛇易弁衲子難瞞許你眼正頂
後一相拈得也無 代云收 有時云收之一字飲
氣吞聲作麼生弁 代云衲子難瞞 或云傾湫倒
岳尋常之用不涉泥水道將一句來 代云三千里

外 示衆云三千里外還且如何 代云過 或云
佛未出世時一人人鼻孔遼天出世後爲什麼杳無
消息 代云賊不打貧兒家 問僧云賊不打貧兒
家因什麼却打 代云須到如此 或云祖師不到
處時人知有時人不知處過在祖師作麼生并 代
云不得春風花不開 上堂云不得春風花不開箇
箇道我會會即且致作麼生舉 代云時人祖師
又云空劫已前徒指注空劫之後錯商量正當空劫
什麼人爲主 代云本是將軍致太平 有時云太
平本是將軍致莫錯認定盤星我爲你拈了也還會
麼 代云掩面出去 或云交鋒兩刃要定死生彼

此無傷功勲不立作麼生是將軍正令 代云到即

不點 或云到即不點還甘也無 代云赤心片片

有時云釋迦老子出氣不得甚麼處請訛 代云填

溝塞壑 又代云退身三步 問云填溝塞壑負恩

者多甚處見老底 代云香積世界 或云五千四

十八卷止啼之說如今啼止也還我黃葉來 代云

事不孤起 有時云事不孤起你也分一半 代云

哪 又云合到某甲 又云單傳心印過犯彌天甚

人委悉 代云須見如此 上堂云須見如此著甚

來由 代云也是 或云善來文殊還知敗闕麼

代云一箭兩垛 或云一箭兩垛爲什麼却敗闕

代云善來文殊 或云乾坤崩陷且致再見天日道
將一句來 代云悔不愼當初 有時云悔不愼當
初便下座却問僧他後作麼生舉 代云好事不如
無 有時云雄兵百萬且定邊疆劍客三千若爲驅
使 代云不許夜行投明須到 示衆云不許夜行
投明須到何似生 代云孟常門下 或云一筆勾
下不甘底出來 代云只宜拄杖子 上堂云只宜
拄杖子勾下屬何人 代云傍觀者 或云威音王
已前無師自悟是第二句還我第一句來 代云掃
土而盡 問僧云掃土而盡你還知麼 代云因誰
致得 有時云三世諸佛說夢六代祖師說夢翠峰

今日說夢還有夢見底麼 代云掀倒禪牀 或云

掀倒禪牀蓋是本分過在什麼處 代云惱亂春風

卒未休 或云奔流度刃也是尋常啐啄同時略請

相見 代云什麼處去也 上堂云什麼處去也

代云日月易流 又云針眼裏藏身即不問你作麼

生是遊戲十方 代云踞虎頭收虎尾 一日云踞

虎頭收虎尾諸方未曾見 代云也是 或云上來

則擾擾端坐則昏昏脫灑一句作麼生道 代云春

無三日晴 示衆云春無三日晴去住還堪笑且問

諸衲僧曬却何時了 代云某甲只管看 或云有

佛法處不得住無佛法處急走過趙州爲什麼摘楊

花 代云更事多矣 問僧更事多矣亦要商量

代云莫教屈著 有時云明眼衲僧入門便話墮三

十年後誰是知音 代云拂袖便出 有時云拂袖

便出也好與三十棒 代云賊過後張弓 或云七

縱八橫拈却把定乾坤眼爲什麼却有沙 代云黃

連未是苦 或云黃連未是苦黃蘗好爲隣 復問

僧還弁得者時節麼 僧云不會 自代云抑已而

已 或云遶天下行脚到處豈無尊宿相爲還有盡

力道得底句麼 代云口只堪喫飯 上堂云口只

堪喫飯雲門大師拈了也你來者裏聽什麼碗鳴聲

以拄杖一時打下代僧當時但近前把住拄杖云和

尚今日困 又云關捩子即不問上座作麼生是牛
頭橫說豎說 代云著甚來由 一日云著甚來由
便下座 代云能有幾箇 有時拈起拄杖云天不
能蓋地不能載復以拄杖一劃云百千諸佛諸代祖
師盡向翠峯乞命 代云官不容針 或云舉一明
三爲什麼不著便 代云作賊人心虛 又云文殊
起佛見法見貶向二鐵圍山衲僧起佛見法見列在
五條椽下翠峰起佛見法見誰敢覷著 代云秤尺
在手 或云洞庭湖水一吸淨盡魚鼈向甚處藏身
代云咦 又云喝下承當崖州萬里棒頭薦得別有
條章作麼生是衲僧本分 代云惡 或云虛空爲

鼓須彌爲槌王老師不打還肯得諸方也無 代云

千年田八百主 有時云髑髏常干世界鼻孔摩觸

家風拈却別致一問來 代云祖師遺下 又云你

若龜頭鼈頭向後莫道親見翠峰好 代云何必

上堂云天不能蓋地不能載衲僧坐斷如恒河沙鬧

市裏指出一箇來 代云便擗傍僧 或云生門易

過死門難入逆順無拘底爲什麼不垂手 代云收

得安南又憂塞北 或云荒田不揀草變爲金信手

拈來金變成草古聖日用不知且致你爲什麼臨機

道得 代云如虫禦木

上堂云如來唯一說無二說穿却衲僧鼻孔換却衲

僧眼睛即得若教我明破恐帶累你不是好人 代
云欲見其師先觀弟子 或云諸佛有難炭庫裏衆
生有難火焰裏你衲僧不得動著代云魯般繩墨
或云火待日熱風待月涼北斗南星句不要你道留
與後人貶剥 代云一言已出駟馬難追 上堂云
色不異空空不異色園頭甚要古人道了也因什麼
知而故犯 代云爭奈轉多 問僧我道轉多你作
麼生 僧云某甲不會 師云惱亂春風卒未休
或云本分事道我知有將錯就錯甚人承當 代云
不惜眉毛者 或云年來一度春也畢竟事作麼生
代云藏身露影 或云至道無難唯嫌揀擇德山不

在付與黃蘗

代云洗脚上船

復問僧云我恁麼

道正是時人窠窟趙州直得五年分踈不下你何不

救取

僧無語

師云雪峯道底

上堂云開門待

知識知識不來過直得出門相接爲什麼土曠人稀

代云和尚年老

或云放憨道著藥忌即不管你死

中得活致將一問來

代云略無些子

上堂云遠

則照近則明你會也笠子拄杖拈放一邊入水見長

人作麼生弁

代云平出

或云因一事長一智針

筒藥袋不得失却如履輕冰道將一句來

代云以

已妨人

又云會則事同一家且放你過不會則東

西南北付與驢年

代云一日便頭白

或云今日